



Universitätsbibliothek Paderborn

**D. Bernardi Primi Clarævallensis Abbatis, Ordinis
Cisterciensium Antesignani, melliflui Ecclesiæ Doctoris
Sermones In Dominicas & Festa per annum**

Bernardus <Claraevallensis>

LI. De Maria Purificatione & Christi Circumcisione.

urn:nbn:de:hbz:466:1-39254

quarum talis est. De timore & lætitia nascitur prudentia, & est timor causa prudentiae, lætitia fructus. De lætitia & tristitia nascitur temperantia, cuius est tristitia causa, lætitia fructus. De tristitia & amore nascitur fortitudo, & est tristitia causa fortitudinis, amor fructus. Clauditur circulus coronæ. De amore & timore nascitur justitia, & est timor causa justitiae, amor fructus.

Ordinatae virtutes, inordinatae sunt perturbationes.

Ordinatae amandas inheret, qui timenda non negligit.

Perfecta justitia quæ.

Considera ergo quomodo istæ affectiones ordinatae virtutes sunt, inordinatae perturbationes. Si timorem sequatur tristitia, desperationem generat: si amorem lætitia, dissolutionem. Sequatur ergo timorem lætitia, quia timor futura cavit, lætitia de præsenti gaudet, prudentis cautelæ finem lætitia possidet. Probet ergo lætitia timorem. Probatus timor nihil aliud quam prudentia est. Comitetur lætitiam tristitia, quia moderatè læta amplectitur, qui tristia reminiscitur. Temperet ergo lætitiam tristitia. Temperata lætitia nihil aliud quam temperantia est. Jungitur amor tristitiae, quia fortiter sustinet tristia, qui per amorem quæ sunt amanda desiderat. Confortet ergo amor tristitiam. Confortata verò tristitia nihil aliud quam fortitudo est. Jungatur amor timori: quia ordinatae amandas inheret, qui timenda non neglit. Ordinet ergo amor timorem, ordinatus timor nihil aliud quam justitia est. Duæ affectiones lætitia & tristitia non se extendunt ad alia: in nobis enim lætamur, & in nobis tristamur. Amor & timor ad alia se extendunt. Timor enim affectio est naturalis, quæ nos conjungit superiori per inferiorem partem, & habet se ad solum Deum. Amor affectio est, quæ nos conjungit superiori, & inferiori, & æquali, & habet se ad Deum & proximum. In his autem duobus perfecta consistit justitia, ut timeamus Deum propter potentiam; amemus propter bonitatem, & proximum propter naturæ societatem.

S E R M O L I.

De Mariæ Purificatione & Christi Circumcisione.

Christi circumcisio & Mariae purificatio quid nos doceant.

Item quid generatione Christi.

¶ Galat. 4. c

Quid est quod dicimus beatam Mariam purificari? Quid verò quod ipsum Iesum dicimus circuncidi? Enim verò tam non indiguit illa purificatione, quam nec ille circuncisione. Nobis ergo & hic circunciditur, & illa purificatur, præbentes exemplum pœnitentibus, ut à vitiis continentis, primum per ipsam continentiam circuncidamur, deinde à commissis per pœnitentiam purificemur. Quid est autem quod Maria portat Iesum in utero, Joseph in humero, in Ægyptum scilicet iens & inde rediens: Simeon portat in brachiis? Significant isti tres, tres electorum ordines; Maria prædicatores, Joseph pœnitentes, Simeon bonos operatores. Qui enim aliis evangelizat, quasi Iesum in utero portat, ut eum aliis vel potius alios ei pariat. De talibus erat beatus Paulus, qui dicebat a: *Filioli mei quos iterum parturio,*

turio, donec Christus formetur in vobis. Qui verò pro Christo laboribus fatigantur, qui persecutiones patiuntur, qui nulli mala inferunt, sed ab aliis illata patienter ferunt: merito isti portare eum in humeris dicuntur: quibus & ab ipsa veritate dicitur b: *Qui vult venire post me, abneget semetipsum &c.* b Lue. 9. c
Si quis autem est qui porrigit panem esurienti, potum sitiensi, ceteraq; misericordia opera sollicite impendat egenti: nonne iste rectè videtur eū portare in brachiis? Hujusmodi enīm dicētūs est in iudicio Dominus: *Quando fecistis uni ex minimis meis, mibi fecisti.* c Matt. 25. d

S E R M O LII.

De domo divinæ sapientiae; id est, Virgine Maria.

Sapientia ædificavit sibi domum, &c^a. Cum multis modis sapientia in- a Prov. 9. a
Stelligatur, quærendum est quæ sapientia ædificavit sibi domum. Dicitur enim sapientia carnis b, quæ inimica est Deo: & sapientia hujus mundi c b Rom. 8. b
quæ stultitia est apud Deum: utraque ista secundum Iacobum Apostolū d, c Cor. 3. d
terrena est, animalis, diabolica. Secundum hanc sapientiam dicuntur sapi- d Iacob. 5. b
entes ut faciant mala, benè autem facere nesciunt: & in ipsa sua sapientia arguuntur & perduntur, sicut scriptum est f: *Comprehendam sapientes in a- f* 1. Cor. 3. d
stutia eorum, & perdam sapientiam sapientium, & prudentiam prudentium reprobabo. Et utique talibus sapientibus videtur mihi digne & competenter dictum Salomonis aptari, quo ait: *Est malitia quam vidi sub sole, virum qui videtur apud se sapiens esse.* Nulla talis sapientia, sive carnis, sive mundi ædificat, immò destruit quamcumque domum inhabitat. Est ergo alia sapientia quæ desurum est: primum quidem pudica, deinde pacifica. Hic est Christus Dei virtus, & Dei sapientia, de quo Apostolus h: *Qui factus est,* h 2. Cor. 1. d
inquit, nobis sapientia à Deo, & justitia, & sanctificatio, & redemptio.

Hac itaque Sapientia, quæ Dei erat, & Deus erat, de finu Patris ad nos veniens, ædificavit sibi domum, ipsam scilicet Matrem suam Virginem Mariam: in qua septem columnas excidit. Quid est in ea septem columnas excidere, nisi ipsam dignum sibi habitaculum fide & operibus præparare? Nimirum ternarius numerus ad fidem propter sanctam Trinitatem; quaternarius pertinet ad mores propter quatuor principales virtutes. Quod autem in beata Maria sancta Trinitas fuerit (fuerit dico per præsentium maiestatis) ubi solus Filius erat per susceptionem humanitatis: testatur nuncius coelestis, qui ei arcana mysteria referans, ait i: *Ave gracia plena,* i Luc. 1. c
Dominus tecum. Et post pauca: *Spiritus sanctus superveniet in te, & virtus Altissimi obumbrabit tibi.* Ecce habes Dominum, habes virtutem Altissimi, habes Spiritum sanctum: habes Patrem & Filium & Spiritum sanctum. Neque enim potest esse, aut Pater sine Filio, aut sine Patre Filius, aut sine utroque procedens ab utroque Spiritus sanctus, ipso Filio dicente k: k Ioan. 14. b

B. Virgo domus
divinæ sapien-
tiae.

Eius tres colu-
mne, fides SS.
Trinit.